



In dumënia ai 04 de Novëmber él gnü sughé la nona partida dl campionat 2012/2013 de 3° categoria por La Val. La partida é gnüda sugada fora de ćisa cuntra la scuadra da Olang, ulache La Val se á bele tres stentè en pü.

La Val se stënta cuntra les scuadres plü stletes... ince in chësc iade cuntra Olang mëss La Val lascé trëi punc.

La partida á metü man dër bun por La Val. Bel tl prüm menüt é Micky che porta Alexander cun en bel passaggio filtrante cuntra le portier da sú. Al fesc finta da trá y rienträia spo sön le pé dërt. Cun en bel tiro prciso sön le palo cürt él bun da bater le portier. La pala atoca naota le palo y spo rõiel te porta.

La Val süga bun ma i prüms menüt, dopo é Olang che vëgn tres plü bugn. Ai manacia bel dô da na cherdora da fá le pareggio. Sön en rimpallo te area, rõia en sogadú dl Olang sön la pala al ne atoca nia dërt mo la pala rõia impó bel sön le incrocio de porta. Na gran fortüna por La Val. Püch dedô rõia na testa dl Olang sön calcio d'angolo püch sura traversa fora.

Mo amesa le prüm tëmp ti garetel spo le pareggio. Al rõia adalerch te area da La Val en bel cross sön le prüm palo. Le atacant vá deciso cuntra la pala y é bun da oje ite le palo te porta. Le defensur da La Val é stè massa tardí y ne é nia plü ruvé sön le pal. 5 menüt dedô él spo en rigore por Olang. En sogadú se porta ite te area y cun na bela finta el bun da tí jí dlungia ia a en defensur. Spo rõiel adalerch l'ater defensur cun na spallada sciürel jö portera le pice atacant. En rigore che an pó dè mo nia netto.

Mo Sepl é bun da chirí fora le dér piz y para inscio. La gran parada de Sepl tēgn ćiamò impé la partida.

Mo denant che le prüm tēmp se röia se ciafa La Val ćiamò en gol, indô sön na pala inattiva. Sciöche al é bele sozedü plü gonot. En sogadú da Olang é bel sú te area y mëss ma plü apogé te porta le pal cun le cé. Le prüm tēmp se stlüsc jö sön le 2 a 1 por Olang.

Tl secundo tēmp é La Val che fesc plü druch y Olang süda ma plü sön contropiedi. La Val prô da costruí les aziuns, mo al ne vëgn nia fora gran ocajiuns da gol. Olang é prësc plü da tumëi, cun sù contropiedi. Mo ince pro vëi ti mancel la finalisaziun.

Micky mëss gní cambié fora, deache al é saltè adüm con en ater sogadú da La Val. Sön chera se al ciafé na gran tega sön le cè y na picia "Gehirnerschütterung".

La partida vëgn tres plü nervosa, al salta deplü gheles por falli de reaziun... che sce l'arbiter éss udü fosel desigü stè da cöcena, sides sön la pert de La Val che da Olang.

La partida se stlüsc jö sön le 2 a 1 por Olang.

Cun chisc 3 punć lascia sön trú toma zoruch La Val al 7° post.

Proscima partida é in mercui ai 07.11.2012 te óiasa cuntra le Percha, le recupero dla partida che ne é nia gönüda sogada por via dla nëi.

□

La formaziun titolara: Kantioler Sepl, Valentin Elmar, Alton Alex, Vallazza Paolo, Castlunger Marco, Miribung Adrian, Sottara Freddy, Sottara Stefan, Tschaffert Ivan, Miribung Alexander y Frenes Micky.

□

Sostituziuns:

Rubatscher Florian por Miribung Adrian

Frenes Egon por Frenes Micky

Valentin Lukas por Miribung Alexander

□

Por udëi i atri resultaċ drüca (ince di atri campionaċ ulache sogadusc da La Val süga para) drüca: [resultaċ](#)